

四庫全書

集部

欽定四庫全書

集部

御製詩五集卷四

欽定四庫全書

御製詩五集卷四

古今體一百六首

甲辰四

渡河有作

昨日有風息夜半宵陰未雨霽晨清拈香

綵幕虔致敬

二月廿二日自楊家莊行宮啓蹕渡  
黃河例設綵棚拈香瞻禮河神開櫂

蘭舟穩渡平蒙

佑匪今益予懼相親自昔篤民情迴看西北雲容重澤

霈豫齊庶利耕

江南境上春澤已霈此時不雨尚可山東河南及直隸之河間景州等處南府

州各屬望澤較殷茲西北一帶雲氣濃厚庶冀膏澤普霑利我春耕也

陶莊

河神廟瞻禮疊庚子詩韻

瀆宗丁酉徙陶莊清口從茲弗患黃

向來清口每虞黃水倒灌自康熙已

卯春

皇祖南巡蒞視即

命河臣董安國於清

口迤西隅岸挑陶莊引河導黃使北

因開放過早旋復

淤墊其後庚辰辛巳壬辰甲午以及雍正庚戌歷

命大臣及河臣籌勘挑辦功迄未就朕以黃水倒漾非

開陶莊引河更無善策因命薩載詳悉履勘隨繪圖貼

說奏聞復於圖內往返指示自丙申秋興工至丁酉仲

春工藏開放引河溜勢暢達河成命建  
河神廟以卷神佑詳見御製碑記爰敬河干脩廟

### 恤永祈

神佑福民長更疏北岸防沙逼仍葺南隄挑水障

庚子三月

阿桂於豫工合龍後至行在復命因今會同薩載查勘  
北岸陶莊新河據奏新河兩頭已寬至九十丈其中段  
僅寬六十餘丈請於北岸再開寬四十丈俾一律深通  
伏秋大汛暢注下達其陶莊南岸木龍復經指示改建  
三架以期刷沙  
挑溜均為有益是日齋心謁

靈宇光春額手肅清鄉合龍

庚子歲叨

殊宥

庚子南巡於二月初十渡黃時展謁陶莊河神  
廟竭誠默禱旋據阿桂奏十一日兩壩自行合龍

黃河順歸故道之事及阿桂來行在細詢情形具奏二月十一日儀封漫口未合龍以前金門尚濶三丈水深十一丈餘至午時忽報南壩沉隆驚往勘視則南壩掃根全勢移走陡與北壩接連爾時見機有可乘隨趕緊填壓不三四刻立見斷流兩載勤劬收功復舊癸卯年荷片刻實由河神默相非人力所能到也

篤慶

儀封青龍岡漫口屢經堵築未就因命阿桂於上游南岸相度為改絃更張之計隨據奏請在蘭陽

至高邱一帶添築大隄開挑引河昨春正月復命阿桂前往於三月初一日督同開放引河奔騰掣溜暢注故道至十四日斷流金門合龍一舉歲功實荷神麻默佑宣導無能頻賴

惠曰虔曰悚兩增遑

閱木龍再疊乙酉韻示總督薩載總河李奉翰

架木為龍往歲成

清口木龍自前河臣高斌於乾隆五年奏請在南岸御壩迤下建設

木龍四架挑溜護灘甚為得力

圖於清口禦侵清河流期永北岸順沙

刷仍應南壩營

木龍之設原以挑溜掛淤俾抵禦黃水不使侵入清口自乾隆四十二年陶莊

新河既成黃水直北趨下不復有倒漾灌清之慮薩裁又奏於陶莊新河峙家莊南岸移建木龍三架添建挑水壩一道以期挑溜北趨亦因時制宜之計也咨度無非萬民計周防常切一

心驚天工人代垂明訓責在君臣共勗誠

### 觀清口出水誌三疊舊作韻

昔年清敵黃所慮黃灌壅後乃改陶莊各行向東送昔年

清口蓄清敵黃惟虞黃水倒灌自丁酉春移改陶莊新  
河溜勢暢達東注去清口較昔遠五里於是永免倒灌  
之患清口惟出清益易為蓄縱自從定水誌向來河臣率  
皆靳拆清口  
其東西兩壩雖稱蓄清敵黃隨時拆築然司事者總不  
肯大擴清口恐于多費工料之議自壬午年三次南巡  
親臨相度始定清口出水誌惟微費柴葑下河免昏墊所全利實重

五壩率未開幸免為壑供三巡來往茲殷殷念民痛熟

籌乃定議自任斷聚訟

前此河臣不肯拆清口惟啟五壩以洩洪湖盛漲下河一帶蓋

無歲不被偏災自壬午年酌定以高堰五壩水誌高一  
尺清口即開放十丈為準俟秋汛後洪湖水勢既定仍  
如常接鑲口門河臣等恪守此法數十  
年來下河不受水患田廬頗資利益  
河臣守此法先



事防而用所以數十年洪湖預留空幸在護民田肯誦  
言之中其間惟戊戌河決南岸動洚流入洪湖鯨波甚  
濤洶清口雖大折瀚灝勢猶衆乃一開五壩燃眉救愁  
愆惟戊戌年豫省漫口之水入賈魯河由睢河渦河匯  
歸洪澤湖水勢陡長雖大開清口兩壩尚宣洩不及  
因諭令薩載等於五壩留心預籌尋據奏清水勢大以  
次開放五壩仍命先期申諭吏民為之以漸不致潰溢  
為患幸其時下河早禾已經刈獲未成大災然可一不可再也次第先諭民無告免申

控可一不可再慙無善經綜蒿目切民艱翁河漫虛

頌

閱河六依

皇祖詩韻

閱河往返六經營行所無行仰

聖行救弊補偏亦何藉拳拳惟慎守其成

惠濟祠

河宗穩渡紫霞舟魏煥

靈祠見舉頭五載一巡瞻廟貌民安物阜仰

前猷清南黃北居中奠平地成

天永世庥曰感曰欽念何已穹碑七字又教留

清江浦

緩御輕輿駐水營明當安福

安福艦  
御舟名

啟行程吳江浙海

胥塵意問俗觀風敢懈情桀戟扼津慎守禦

總河衙門  
建於此

間閭撲地計寧盈陶莊改後黃逾遠此日清江果是清

御安福艦

陸路行來蒞水程清江安福候川營

安福艦向於天津  
舡塢停泊每遇南

巡例以歲前先來至清江  
浦之雲曇舡塢伺候應用

宵衣旰食仍斯勗蘇阜浙湖

不盡情夏諺豫遊要為度義經民我共觀生古稀欲去  
陳言處每自舲窓瞥眼呈

慈雲寺瞻禮疊庚子詩韻

玉林建寺碧溪濱

慈雲寺為順治年間僧人玉林所住  
小巷雍正甲寅皇考命淮關監

督建造遂成大叢林  
追封玉林為國師仍令其

賜額曰慈雲寺  
派下承接云

皇考重脩題額文

當日檀那在提唱至今苾侶孰殷勤徒因路便遊而涉

却以昔緣戚弗欣

茲寺因  
恭奉

皇考賜額每次經臨俱  
慈寧瞻禮迴憶昔巡祇增

感切是以庚子詩有己是拊膺思  
昔日那堪翹首望 慈雲之句

記

古並瞻切悲念金剛徒憶曰如雲

世通行者金剛六如為鳩摩羅什所

譯夢幻泡影露電梵經留支所譯又有九如如雲如星如翳如燈四者合前夢幻泡露電為九如而無如文影之

### 閱老壩

老壩本土築辛未命改石

老壩舊係土築辛未南巡命河臣高斌等勘估易以石工

癸酉幸免患甲午終致厄

自老壩改建石工後節年保護鞏固癸酉年河淮並漲淮

安幸得免患至甲午秋外河南岸老壩口隄工漫溢大溜全注決口板肺淮安一帶被水房屋人口俱有塌損城垣幸而未頽隨飭一面撫恤一面趕緊堵築於九月初八日開工至廿八日合龍城市居民安業如故幸弗自詡功厄弗咎無益惟是慎修防俾民安枕席

閱淮安石隄四疊前韻

禹行水無事率並歸之海後世喜用智患多勞更倍然

而今古殊亦難怪沿改土隄易以石實在辛未載

淮安西北

人烟輳集舊雖有土隄難資保障辛未南巡過淮亟命改建石隄勅河臣高斌等勘估建築及癸酉河淮並漲淮城幸賴石隄得全亦惟救弊耳何有泥乘橈法遵

皇祖垂議鄙安東委

淮安府境當河淮交會又為運道咽喉關係緊要前明督漕侍郎吳

桂芳建議黃河衝決駁駁欲奪安東入海安東眾流匯圍其勢垂陷不如棄之以拯全淮時雖未行然其論迂謬可鄙我朝定鼎以來

皇祖六次南巡遍歷河干審謨廣運首闢海口以導黃注海次闢清口閉六

壩築高堰以障淮敵黃改運中河以避洪流之險挑直黃河各險工使水直行刷沙又疏濬引河增修牆壩堤

工區畫精詳具載治河方畧中河臣遵守新輔及高斌

慎守頗具楷

本朝善治河者首推靳輔恪遵指示機宜開運中河以避百八十里黃河

皇祖

端悍之險又大挑運河陳經理河工事宜八疏勞績茂著高斌才雖不及靳輔而辦理河務亦能盡心如毛城鋪所以分洩黃流於徐州設水誌必至七尺始開至三滾壩洩洪湖盛漲高斌堅持堵閉下河屢豐其功自不

欽定四庫全書

御製詩五集  
卷四

七

可  
癸酉賴以安甲午竟致殆

癸酉河淮並漲幸石隄保  
護淮城藉以安全至甲午

八月外河南岸老壩口漫溢大溜全注決口淮安板牖  
一帶俱被水淹當飭趕緊堵築自九月初八日開工至

廿八日合龍城市居民遷歸樂業  
兩旬功藏實荷天佑神助

亟命堵築之已成可

中罷廿日竟合龍飛報心為愷惟時籲

天佑往事憶猶駭

過淮安城

清浦開舟行不遠郡城埤堦見淮安輕輿露冕任瞻觀  
膝下無殊赤子歡



順風

順風下水舟行速廿里如同十里行却聞海上順風舟  
片刻能兼百里程吾謂斯速亦足矣何須詡彼洪濤驚  
大凡物理忌太盛

天道福謙而禍盈

寶應縣詠事

上元獲寶縣名改其寶已難定假真便使果真為瑞應  
牝雞可得救司晨

按唐肅宗在位僅七年而改元者三上元二年以獲寶改元寶應并改縣名夫七年中凡三次改元則一元中不過一二年雖圖以鼎新為瑞耶予以為其年不永非瑞乃不祥之兆耳且其時臣民難以紀年歲亦何瑞之有此如市井所謂開張店面之為徒資笑鄙至勝朝及本朝不為此惟以一元紀實誠足為萬世法也

題唐寅觀瀑圖

吳中偶覽吳人畫觀處有形聽有聲千尺寒山雪已好

底須三峽寄遙情

寅自題有要知盡日支吾處五  
老峯前三峽橋之句故反其意

過高郵州

古邑巖城稱覆盂覆盂之義可思乎以云射物堪嗤彼  
若擬安邦實切吾老幼喜看團蹕路香燈何必滿通衢  
四隅近水真澤國百室求寧慎永圖

閱南關車邏壩

南關及車邏計洩洪湖漲清口定誌後封土恒一樣惟

欽定四庫全書

御製詩五集

卷四

九

值戊戌潦無已為一放

先是洪澤湖水漲必由山圩五壩洩之高郵等湖復不能容則

山南關車邏等壩東放下河每受其患壬午南巡閱視湖河情形始於五壩酌定水誌如壩誌多過一尺即將清河拆寬十大湖水以次遞長則清口以次展寬俾清口既暢湖水宣洩有資車邏壩始得永遠堅閉二十餘年來下河得免水患職此之故惟戊戌年儀封決口黃水由淮入洪澤湖不得已始啟山圩五壩以洩盛漲由此遞歸

然先屢頒諭閭閻逋漂蕩早田幸復收賑借並

行旣戊戌開壩之先預飭該督及總河等先期曉諭俾閭閻得早為遷避不致漂蕩又幸彼時早禾已收晚禾補種無多復令將成災之極次貧民分別展賑并借給籽種口糧以資耕作

豈能免向隅

迴思切惆悵

露筋祠口號

蚊嘍安能致命亡露筋事半屬荒唐雖然事可風巾幗  
善善何妨思欲長

直隸總督劉綏奏報得雨詩以誌事

月之廿一及廿二屢見春陰復屢霽北望雲容更較重  
意殷澤霈望雨地此間雨弗雨皆可齊豫京畿所希冀

今朝乃接劉綏奏

廿五日於崇家灣行營接據劉綏奏報保定省城於廿一二日雨雪兼施

入土三寸得此潤澤地氣上升麥苗大有裨益等語

即廿一二雨雪霈

昨廿二日渡黃河時

望見西北一帶雲氣濃厚計山東河南及直隸迤南各府或得雨澤茲據劉我奏到幸符所望惟山東河南尚未據奏報自是未得雨澤為之顛企雖未深透潤三寸自於春耕資益利

齊豫二省却未奏為之顛顛切塵意四海一家萬民子何處弗願綏豐暨願多因之愁亦多尋思故應愁豈避

上方寺

維舟暫據鞍老幼任從觀如子遇父母同心發喜歡上方蒞非遠古佛謁脩檀傍室頗點綴多哉弗耐看

竹西精舍

上方寺側構精舍杜牧詩情繪竹西筠徑宜吟猶在曲  
梅庭入畫欲開齊可憐春事將昌矣為囑江南且慢吟  
歌吹揚州唐已是借他空色偈全提

至維揚即事

維舟易馬策巡繮古寺先因到上方

舟行至揚州城北  
易馬先詣上方寺

瞻禮遂由陸路  
至香阜寺易舟

更復花宮命輕舫遂由溪路至行堂

登舟

由內河行至天寧寺行宮行  
宮內書堂向名之曰大觀

山情水態還如舊巷舞戶

歌覺倍常在此即當言此處民風須識尚輕揚

駐蹕天寧寺行宮三疊舊作韻

舊有行宮古寺邊曰門曰徑宿知便觀民仍復來斯日  
題句分明識昔年春景物華繪天寶梅心柳眼入時妍  
又何加富要惟教即景思之祇憫然

題大觀堂

設教省方標二義要惟不出義顯乎因之兩字堂額此  
惟是一心銘戒吾祇取樸淳供憩息微嫌藻績太紛鋪



我生觀在觀民也朱注雖通予意殊

觀之九五象曰觀我生觀民也朱注謂不但觀一身  
之得失又當觀民德之善否是分為二矣蓋九五為  
君象君與民原一體民之治亂係君之得失休戚本  
相關未有民失其生而君得安其生者因題大觀堂  
申其說如此

萬壽重寧寺紀事

天寧寺後建重寧衆志殷勤未可停

昨歲兩淮鹽政伊  
齡阿奏衆商籲請

於揚州之天寧寺後增建寺宇以伸忱悃念  
其出於至誠因俞所請賜名萬壽重寧寺 祝頌雖稱

七月什莊嚴過甚梵王經却看植竹還植卉奚必有池

更有亭太守閒情留嶺在

梅花嶺在萬壽重寧寺旁府志載明吳秀守楊州時開濬

城壕積土為嶺樹以梅因名梅花嶺 幾株仍剩古梅馨

### 題春熙堂

重寧寺側堂誅蕩霽韶光老柏蔚今色時梅發古香玲  
瓏湖石逕淡沱繡漪塘適以春熙額同民樂未央

### 俯鑑室

渌水沁園階文鱗遊可數匡床近階置鑒影座中俯開  
奩照鬚眉覲面忘賓主設云堪喻民其情大可觀

琅玕叢

琅玕叢裏小迴旋戛振聲清勝管絃如以雲棲幽逕擬  
設施終覺遜天然

題慧因寺

萬事不離因一念應於慧知因超能所解慧脫蒙翳因  
慧非兩途慧因無二致詎惟內典然繫辭見周易仁者

謂之仁智者謂之智

倚虹園

畫舫沿溪蒔桂橈題園因近倚虹橋武夷九曲擬非謬

陽羨何年縮不遙

風土記陽羨亦有虹橋

真水假山頗遠俗紅花

綠柳已含韶新名舊號難究詰廿四中知第幾條

吳中數橋

以一條兩條計之

九峯園

城南背郭區野趣攬斯須三徑原宜句九峯列作圖瀟

然似仙境犁若異塵衢源自平山放溯游烟舫紆

### 澄空宇

草河

源出平山流為草河

此匯成湖湖上亭軒儼畫圖圖在鏡

中人俯鏡澄空一片性靈俱

### 遊康山

新城南界有山堂

康山在揚州新城南門內高三丈許無石骨當是昔時疏濬運河積土因

構築山堂志書不詳遺跡其人道姓康

康山云因康海落職後來此讌

飲董其昌題名曾是駐輿憶庚子遂教題額傲香光

庚子年南巡駐蹕時

因董書康山草堂額筆法殊不類香光遂  
做董法重書康山草堂四字題額賜之

重來園景皆

依舊細看碑書未異常

草堂內復鐫有石刻米芾款城  
市山林四字筆法無奇亦似偽

作

述古雖訛近文翰一遊精鑑不妨詳

做董其昌書對山樓因成口號

草堂前度辨其假今覺對山亦未真

康山以康海落職  
後來此燕飲得名

舊有康山草堂四字額款署董其昌書然筆法實不類  
因做董法重書四字賜之庚子南巡有即事詩辨其偽  
茲重遊康山見有對山樓亦署董書  
而偽更甚因復做董法書額以賜

更做董書為題額

他時應有識真人

河南巡撫何裕城奏報得雨詩以誌事

仲春之初旬曲阜曾微雨未能成分寸悵望徒延佇誰

知即是日開封被佳霽

叶

入地三寸餘各屬霑以普

二月

初十日駐蹕曲阜四更微雨達曙未止然不及一寸但  
四野雲氣頗濃意鄰境定霑渥澤茲據何裕城奏河南  
省城果於是日得雨三寸餘並據開封歸德河南汝寧  
南陽陳州各府許光二州稟報得雨相同麥苗正當長  
發農田甚却以差人報遲直隸日五

直隸得雨遲於河南以劉我馳驛故

早至何裕城差人幸因豫民慶仍塵齊民苦

河南奏報春雨為之

欣慰惟山東尚未據  
報得雨仍殷塵念

題淨香園

沼園得號本因蓮此際花遲春仲天碧水中寧無藕在  
心蓮香淨豈非然

怡性堂

步入琳琅徑書堂我所顏淨迎綠坡曲香待碧波潺

是園

以竹淨荷香得名竹則未秋荷仍待夏也

窓外真筠攬座中假竹攀

是處庭中植竹

座間復刻木為琅玕

虛虛實實處怡性色空間

青琅玕館



問底泠泠拂耳過琅玕叢裏奏雲和莫嫌个个聯肩臂  
君子由來豈厭多

趣園

沿隄柳葉護梅花步入溪園清且嘉此是揚州絲管地  
可知日涉有陶家

半畝塘

在趣園內

借問何成趣趣因竹及梅竹香留去聲冬翠梅野笑春開

半畝波不作一奩影與陪天然澄照處五載偶重來

蓮性寺

四面波圍一嶼迴蓮宮示性額楣懸春光六月花未放  
未放句誠提以全

功德林口號

平山左側聳雲岑梵宇向稱功德林度盡衆生始成佛

兩言未識佛初心

佛之深願度盡衆生方成佛  
道則功德二字佛所弗居也

天然三友歌

平山之麓可號嶺嶺頂喬松嶺腰竹嶺之脚更有梅圍

是一身而三友足况胥本性出天然非藉人工增以俗  
是名津逮自東坡時之良朋稱永叔斯友斯地恰相宜  
不可無言過以促圖此者多難儻數今日此圖逢以獨  
拙速片刻命歸舟蕭瑟輕風送清馥

遊平山堂再疊壬午詩韻

大觀堂外命輕舟一卷圖中作勝遊

向有平山一卷圖畫之諺

恒此

尋詩為即景不妨認性且隨流

隨流認得性出禪宗語錄

因如具慧不妨有慧豈依因本自無

行宮右側即慧因寺登舟必由此

輸與寺僧粥飯罐那曾於此做工夫

平山數典憶前朝六一流風事未遙記取維揚歐氏宅  
不殊閩海蔡家橋

木蘭不藉棹歌聲黃鳥音傳烟柳橫故事何須舉柑酒  
生生萬物遂其情

南來初見此平岡濟勝依然步不妨祇事詩情輸韋

莊

杜牧那更畫意學倪

璚

王蒙

寺傍精舍八窗空騁望來途一水通海濶天空點也意

笑他綴景太求工

豫遊回首不堪思  
豈謂今來獨憇茲

聖日

有皇祖御  
書賢守清風室

慈暉徒憶昔  
行雲流水可觀時

黔黎雖聽頌聲揚  
却我猶慙一德涼  
老矣不期重問景  
吟留八首賞烟光

文滙閣疊庚子韻

天寧別館書樓聳  
向已圖書貯大成

此閣成於庚子亦  
倣范氏天一閣之

式為之曾頒貯古  
今圖書集成全部

遂以推行庋四庫

士寅秋以四庫全  
書分弁文淵文源

文湖文津四閣者均可按期藏事因思江浙人文最盛  
士子願讀中秘書者不乏允宜廣布流傳以光大治勅  
於揚州之此文匯閣鎮江金山之文宗閣杭州聖因寺  
之文淵閣各貯四庫全書一分俾士子得就近觀摩並  
飭發內帑銀百萬於京師僱覓書手繕錄全書三分  
驛致奔閣以昭我國家藏書美備教思無窮之至意况  
因舊有匪重營西都七畧江干現東壁五星霄際擎却  
待鈔完當驛致文昌永古煥重甕

命頒布四庫全書時許願讀中秘者抄錄毋靳詩以誌事

發帑增鈔書四庫更非捷徑為崇儒

前因江浙為人文  
淵藪特命繕寫四

庫全書三部分并揚州文匯閣鎮江文宗閣杭州文瀾閣  
俾士子得就近鈔錄傳觀用光文治其鈔錄書手皆  
特發內帑僱覓不致濫  
邀議叙為仕途捷徑也  
擬公寒士廣聞檢預禁守臣嚴

護符

全書繕竣分度三閣後恐地方大小吏過於珍護  
致徒供挿架無裨觀摩因復降旨曉諭有願讀中

秘書者許其陸續領出廣為傳寫但令督撫等派妥  
員董司其事設立收發檔案登注明晰不致遺失外錯  
俾多士得彈見洽聞以副朕  
樂育人才稽古右文之至意  
褒博三倉實富矣精英二

酉任觀乎欲期寰宇敷文教濟濟明廷治贊吾

塔灣行宮六依

皇祖詩韻

最古行宮樸不華

奎章拈韻六之麻

塔灣行館乃舊宮規制樸素曾經

皇祖南巡時所幸御題詩用

六麻韻恭依廢和者亦六度矣

一心無繫於何繫四海為家此即家熟路從來識堂構

行春寧為賞烟花

庸歌六次依成句摘筆於斯興正奢

題承煦堂

高旻寺側開行館

是處行館建於康熙四十二年

來往於斯駐蹕常庚



子當春攬雨意

前番駐此逢雨

甲辰即景喜曦光

是日晴

松蒼竹

翠天然朗襟朶梅英自在香萬姓歡欣承

煦嫗由來

皇祖聖恩長

得閒堂疊庚子詩韻

古稀有加四步履尚能強遂造山房迴平臨烟野光柳  
陰欲籠院梅馥不藏堂閱五春秋矣爾閒我祇忙

塔灣行宮五依

皇祖示江南吏韻

奎章五依韻雲館六番經階俯青蒲刺簷齊綠竹亭念  
民心有惻訓吏視無形遊豫非玩景欲吟筆輒停

微雪

三月朔日

微夜春雲密未雨虞作風將曉發行舟風止雲散空却  
見雪花霏落地旋即融向南行數里積素茅簷同更見  
江南岸玉皴一帶峯乃悟此番雪北微南覺豐比至錦  
春園竹綠梅花紅而胥帶粉裝生面琳琅叢

過瓜洲

錦春園外換江舟，渡指金山路不修。

向年出瓜洲西運河口渡江水面寬

閘距金山行宮較遠前歲據薩載伊齡阿等奏以瓜洲城中有跨河一道上通運河由閘下達大江若對渡金山計程止二三里繞越長江之險兼避江面之寬商民來往均為利便等語因俞所請開濬茲舟行經過果覺較前近捷且避中泓大溜云風靜浪平藉

神佑漕艘商舫愜羣謀，鎮城自古衝而要民舍於今富。

且稠詩話寬夫

蔡

傳置閘却憐潮不到揚州。

按蔡寬夫詩話潤州

大江本與揚子橋對岸而瓜洲乃江中一洲耳故潮水悉通揚州城中唐李紳詩云揚州郭裏見潮生自瓜洲

以閘為限不惟潮不至揚州亦不至揚子橋矣云云今  
瓜口雖有由閘之名而來往經臨實未見閘况江潮盛  
長亦非一閘啟閉之所能限制向嘗作廣陵濤疆域  
辨訂正訛誤亦見記載家附會遽就每不免失實耳

金山寺六依

皇祖詩韻

六臨浮玉又春和弗少

虞巡亦弗多

敬遵  
亦六度南巡

皇祖

時邁治河遵

舊制瞠乎莫及愧維何

遊金山寺六疊蘇東坡韻

岷峽濫觴詎本源其源更在剛底海

自禹貢言岷山導江厥後桑經酈注

及漢宋諸儒並云江出岷山皆囿於內地見聞惟胡渭著禹貢錐指引明徐宏祖傳稱其平生好遠遊作溯江紀源一篇以岷山導江特汎濫中國之始其發源則自昆侖之南其說實得之目擊云按昆侖即今西藏所謂剛底斯又通典稱阿耨達或曰昆侖漢語都龍王也茲詢之西藏敏珠爾瑚圖克圖堪布桑齋鄂特則爾稱剛底斯在西藏阿里克之西周圍有大海名瑪璊巴係四大部洲衆水之源難陀龍王所居等語難陀即通典所稱阿耨達也據此則江源在剛底斯由金沙江會入蜀江歷歷可據其源並不止出於岷山義復何疑向賦四瀆詩亦曾詳入中國此近東瀛湧出砥柱惟斯在妙足晰辨識之

如現兜率陀德水四繞無雄波鹿苑雁塔羅高下包山

之屋由來多為憶坡翁維桂楫應是離朝往南日相於  
佛印一談禪不妨飲酒酡顏赤牢騷志託據文魄江心  
炬火照深黑櫟括蘇句深黑片時為朗明用遷意耳無須驚  
蓋用司馬遷屈原傳王明並受其福之意當面率失後始識蒸民有則亦有  
物終古鎮此氏父山介甫有權難笑頑青苗新法論不  
已祇今亦付東流水

鏡治齋作歌

昆明有閣曰治鏡此地有齋曰鏡治昏以俯澄而得名

治鏡鏡治非二義鏡之於古誠未逮鏡之於今實增愧  
未逮增愧之不遑何可腆顏云治遂然而時存此愧心  
庶幾無大隕越致

題文宗閣疊庚子詩韻

庚子南巡閣已成香楠為架列函盛

庚子南巡時金山文宗閣已成貯古

今圖書集成全部

鈔胥聊待數年閱數

上聲

典應看四庫呈

先是辦理

四庫全書分度文淵文溯文源文津四閣嗣因辦有就緒可以指期藏事於壬寅秋復降諭旨發內帑催覓書手再繕全書三分安置江浙之文匯文宗文瀾三閣俾東南士子得就近觀摩且許鈔錄以光大教

書借

一瓶寧酒器冊藏二酉富芸覺惠嘉南國崇文地尚勗  
尊聞知所行

金山五疊舊作韻

瓜步遙瞻曉岫青到時仙境悅神形甲辰六度巡斯歲

自辛未丁丑壬午乙酉庚子迄今甲辰敬遵皇祖六舉南巡之典

庚子迴途

佑藉靈

庚子南巡二月駐蹕時勅加恒佑宏仁廣濟至德尊神封號

金山靈區安瀾有平風靜浪歌

迴鑒復至金山登妙高臺詩有是日渡江迴風平浪不起之句往來順適寶邀神靈護佑

昔去今

來觀造化水流雲在孰遷停



奎文鼎重欽讀

金山有必先欽誦

皇祖御碑每渡江駐蹕必以辛未詩有拱讀穹碑

欽聖孝法貽百世慎聰聰之句

萬古輝輝照紫冥

萬千劫裏天接水一大圓中水上天

昨歲為雲上千天解謂雲即水也音

義家讀上為上聲因有雲氣上升於天之語是雲仍在天之下矣蓋上字應作去聲讀為上下之上天為圓體元氣運之以行日夜一周而不息知地之在水上則可知天之在水下天無不包此至平至易之理不必求諸神竒也茲因駐蹕金山益恍然於水天相接之義

於此自然能遠俗到斯誰不

曰登仙抹塗已具十二首來往忽經卅四年

自辛未初次南巡越

今甲辰凡三十四年金山二首凡五疊舊作韻亦十二首矣

閣筆合哉興猶勃還當

坡韻重賡連

太古堂

太古堂前一株梅步來滿院香風起斯之幾度致弗一  
或逢未開或謝萎今番所遇實正佳深白淡紅萬枝委  
和而不同且秀野冶以為韻非綺靡或有意博詩與畫  
古稀無暇且老矣

詠蘇軾玉帶再疊乙酉詩韻

疊韻法原髯老遺詠髯老事更應為山僧漫說有斯勝

朝士何曾失彼儀  
山色江聲真倡演  
匣藏囊弄幻名垂  
笑予對物猶留句  
於是宜中覺未宜

於金山禮塔五疊登塔詩韻

此番塔頂弗登尖  
年至古稀有四兼  
何必陟攀誇勝濟  
祇宜安靜養心恬  
江山概亦全供覽  
詩句篇原取次添  
一佛名該千億佛  
下層禮已悟花拈

自金山放舟至焦山六疊蘇東坡韻

弗肯深居九戶耽  
載言于邁江之南  
翕河觀民法

聖祖巡數

去聲

亦符兩其三曰耕候未逮浸種曰織時亦

遲育蠶未妨民務民至集歡欣瞻就憐以慚昨日金山  
駐巡楫今朝焦山問林潭大江中矗雙玉柱千古永答  
吟情酣順流一舟到頃刻調御默坐無言談三乘十二  
部已括莊嚴豈在琉璃龕而況左廂行館麗質之焦隱  
應非甘固知商力匪民力冀檀白足寧辭貪即景欲詠  
詠則恐促賡蘇韻歸棹堪香牋佳墨懋勤供書之粘壁

留松菴

清寄堂

梵王宮左廂行館建昔歲每來實未駐片時聊息憩松  
柏既蒼蒨庭徑致深邃乃知天然佳夫何勞點綴言忘  
塵益遠神謐清自致五字泐書堂萬古於斯寄

竹樓

迤東步步入琳瑯拾級登樓聊騁望我有憂民心不了  
豈能高致學黃岡

海門菴

海門東望接扶桑不擬求仙路渺茫此地古今無別慮  
一心遙繾浙江塘

遊焦山作歌四疊舊作韻

採薪汲水僧兩三

用東坡語

爾時有山未有屋世忠

韓世傑

張屯其軍

見宋史

亦以邀敵伏山腹南渡稱姪過於兄金

源原自揚靈聲至今都付東流水何足甲此而乙彼孫  
吳曹魏更小哉如彼交蘆遞眠起即境詠古則且置放  
舟間景亦蒞止梵寺行館胥熟路山色江聲故如是昔

來辛未今甲辰

自辛未至今甲辰

凡茲六度巡蹕勤卅四年間事已

影靜觀底是紛而紜古鼎歌

焦山寺中古鼎相傳為周時器辛未南巡曾和沈德潛韻

作焦山古鼎歌又山麓瘞鶴銘原刻文多剝蝕丁丑南巡曾手書一通勒石

瘞鶴文何殊流水

與行雲青玉塢尚青林氤塢出幽僻曲逕分民居僧舍互吐吞焦山之遊止於此泐石翠巖以待千載遊客聞其聞

### 甘露寺三用張祐韻

枕嶺有高寺過江無點埃  
陡思庚子別復此甲辰來  
佛鳥窺經冊天花落講臺  
清詩讀承吉心地一時開

算山誌事

算法吾曾未涉津設能精亦貫天人

皇祖精於算法貫徹天人余逮

侍時年甫十二未得親承

指授設至十六七時想

之故有通其學者而余以因循未學此每以為愧

茲山產蒜因訛算公瑾謀曹

久假真

元和志蒜山以多澤蒜得名輿地紀勝自古皆作蒜山惟陸龜蒙題曰算山或以周瑜與武侯

議拒曹操謀算於此故名蓋亦後人附會遂致久假失真云

公瑾武侯同算魏而周算諸葛尤深機謀權變誠何濟

貽笑山林徒至今



策馬過鎮江府

古稀露冕尚鳴鞭為洽民情瞻比肩大有義焉非惠小  
後斯樂矣本憂先因他愛似勝於畏致我觀之益切憐  
天塹長江南北界一家今可此言捐

潤州道中詠古

鑄劍坑

歐冶干將越與吳一時鑄劍藝精殊應知天子劍異此  
仁義為工造化鑪

京峴山

右京左峴峙千古氣接風雲相

去聲

合之豈識見龍自有

目寧須更鑿二湖為

京峴在鎮江府治東寰宇記梁武帝望京峴山盤行似龍掘其石為

龍日二湖云

讀書臺

亡命云為江海行然疑此事假和誠

蔡邕讀書臺在溧陽據志傳稱邕亡

命江海十二年在其事疑信參半又後漢書列女傳蔡琰稱邕書四千許卷今所誦憶裁四百餘卷云四

千許卷或成此十一幸傳女伏生

千里湖

張翰秋風動思日陸機鹽豉欲調時吳中京口同佳話  
湖裏萼惟付不知

石墨池

長房昔日書符處今日猶傳石墨池  
雙語尚稱靈有驗池今涸矣更誰知

華陽館

弘景昭明舊宅連一修儒雅一修仙  
設論資益後來者

文選鴻篇故是賢

文徵明山水即用其韻

高臺縱目馳千里野艇呼朋泛一雙  
畫在詩中詩在畫  
所欣即景閱吳江

登城霞閣四疊舊作韻

傍岸駐舟蹕層樓近水衢曰遊因舊蹟其建匪新

城霞

閣在丹陽縣上有董其昌題額蓋明季所建矣

景概宜詩句山川入畫圖  
天晴

遙見海民俗已為吳鳧藻來老幼鵲歡任笑呼  
副予懷

保意施惠法春蘇

古實兩孫邑

謂孫策  
孫權

今為異姓衢

俗又名三義閣中祀  
漢昭烈帝左右祀關

帝及張  
桓侯

有譽三代直足荅幾年劬蜀據懷遠畧魏征韞

永圖奈天不祚漢惜地盡歸吳俎豆依然列精神若可

呼歷賡六十韻

是詩五言六韻二首四  
疊舊作則六十韻矣

別舫指姑蘇

夜雨

三月初  
三日

上已無須脩楔為惠風河路畫圖披蒸看過午一川暖

釀作濃雲四野垂入夜連纖歌枕聽間

去聲時作止打舲

遲江鄉雨弗雨胥可北省遙祈渥澤滋

江浙等省新春雪澤霑足此時

雨弗雨皆可惟小東河南及直隸迤南各府現盼雨澤晚來北望雲氣甚濃惟冀甘霖普渥耳

再題錢維城蘇軾艤舟亭圖

侍臣昔日圖鄉景適在運河岸側邊道古亭稱以蘇氏  
蹟誠真否屬疑然

畧為點綴有亭池小憩懋勤硯匣隨却以坡僊流賞處  
於斯豈可易言詩

爾時玉局停橈處我亦無端一艤舟真者在前怵光燄

用米芾元  
日帖意 鄒枚慎勿頌風流

攜得橫圖景逼真春光相印越清新獨憐寫者古人事  
寓者亦今為古人

遊寄暢園三疊丁丑舊作韻

那能此地目飛鴻境古而幽與理通山色泉聲清賞外  
昔年今日默思中間他王紱顧愷之畫曾擅便是杜鎬倪

瓚句豈工促就詩休論巧拙右廂去禮梵王宮

惠山寺五疊舊作韻

梁溪開舫見遙螺稍近叢雲梵宇羅寄暢園尋幽逕暫  
惠山寺入繚垣多禪林不礙獅音唱古枯依然鳳尾娑  
五疊韻成詩六度止斯適可厭過那

詠惠山竹鑪壘庚子詩韻

物理由來新代陳鑪圖竟倒主和賓

紙堅於竹器理也  
茲竹鑪竟在而紙

圖乃燬是主  
賓相倒矣

久哉忘彼烟作爐時也對茲火以薪清供

豈因適口腹幽尋聊爾悅心神小徘徊可命歸舫牆外  
待多瞻就人



錢穀惠山煮泉圖

臘月景和暢

穀自識十二月九日因用王維語

同人試煮泉有僧亦有

道

畫中景如此

汲方遜汲圓

惠泉有方圓二池圓者甘方者不及而穀所畫正條圓池題為

惠山煮泉圖印證亦切

此地誠遠俗無塵便是仙當前一印證似

與共周旋

汲惠泉烹竹鑪歌五疊舊作韻

陸羽品泉今古聞山下出者次第分金山第一此第二

未知玉泉迥出羣

常製銀斗較量諸泉揚子金山泉斗重一兩三釐惠山泉重一兩四釐玉

泉則斗重一兩最為質輕味甘陸羽品泉以揚子為第一惠山為第二固嘗惜其未至燕京若至燕京則定以玉泉為第一矣詳見向所以是推之當歷遜辭仲為叔為玉泉山天下第一泉記

居後塵

玉泉為天下第一則金山當為第二惠山為第三矣

雖然我更有轉語名

象甲乙胥空文滴滴者自淙石罅豈識人間口頰芬在惠惟宜言此惠筠鑪茗椀况具陳地幽春靜更值暇聽松速客意殊敦亦弗藉綆併為汲亦弗拾松枝作薪中人祇要差事備烹煎端正忙紛紛坐則茶盤擎已至寧容火候評云云把椀蹶然鄙且懼似此俗輩可假權

叶

更惜四卷稱名蹟已付回祿無一存

聽松菴舊藏竹鑑圖四卷一為王紱

一為履齋一為吳理其一則早失之命張宗蒼補寫者庚子年為無錫縣知縣邱連攜至署中重裝致燬於火

名人墨妙不能久遠流傳誠可惜也

韻事不可令沒減分倣合弄為重新

四卷雖已被燬而韻事究未可闕因御筆倣補首卷命皇六子及弘昨董誥分倣二三四卷仍付聽松菴住持收藏俾餘韻流傳精藍永寶云 百年以後新會舊禪和子孫應世珍禪

和子孫應世珍是語當有笑者人

聽松菴竹鑑煎茶五疊舊作韻

何處名山弗有泉惠山傳以竹鑑煎四圖本擬蹟貽後

一火頓令業淨前

惠山聽松菴舊藏竹鑑圖四卷一為王紱一為履齋一為吳珵其一則早

失之命張宗蒼補圖者前人題跋既富余每次南巡必賦詠查韻本擬流傳久遠為藝林韻事庚子南巡前無錫縣知縣邱連攜至署中重裝不戒鄰火竟致被燬凡物有成必壞豈調御示淨業乎分卷補教

集狐腋

卷雖被燬而名藍佳話未可闕如幸寺中刻本尚存因御筆補寫第一圖而命皇六子及都統

弘時侍郎董誥補其三其名人題跋仍書每卷後留之山寺俾餘韻如存云

撫牋奚足貌鷗

眠笑他瀟灑幽閒事可稱

去聲若而人寫全

方泉云不及圓泉

惠泉圓池在方池上泉味亦方遜於圓故壬午惠泉山房詩有圓甘而方

考之

遂汲圓泉活火煎六度吟應絕筆後

自辛未至今甲辰竹爐六

次題句適符 皇祖南巡六度 一時想到見圖前試  
所為適可而止不復擬再巡矣

看弄筭新更舊豈異交蘆起與眠雖是片時駐清蹕却

欣卅韻重賡全

是題七律二首一韻凡  
五疊舊作恰成四十韻

題補寫惠山寺聽松菴竹鑪圖疊庚子詩韻

何事鬱攸燬舊圖補裝四卷完成夫披觀似示空即色

細體未忘有若無王氏弗輸龍有九

九龍山人  
王紱別號

米家終

遜虎之離

虎兒米友  
仁小字

僧房佳話聊酬矣斯永存乎詎信

吾

王紱山亭文會再疊己卯韻

亦有山林亦搢紳都為圖寫詠  
霄人不知箇裏盍簪者  
誰會當年點也春

圓池

圓池圓象天泉源清泠然豈必拘上下  
易象稱韋編

謂乾

上坤  
下

方池

方池方象地折旋產玉粹九龍昔在茲  
樂饑俯洋溢

暗竇

石罅出泉暗竇翻盈科流作梁溪源赴江海即涓涓者  
謹小慎微亦此存

明亭

四柱明亭不設窓八方常納景無雙閣黎公案由來熟  
祇說從他聲色擬

過無錫縣

得句九龍騁暢觀梁溪順水下清瀾徘徊因命甃維舫

矍鑠依然遂據鞍  
踵接肩摩真是庶  
衣豐食足為思難  
古稀天子猶乘馬  
老幼就瞻益抃歡

項聖謨春艇看鴻

新水初生漲野隈  
拍浮春艇向虛開  
高入目送飛鴻處  
知自衡陽始到來

御製詩五集卷四



欽定四庫全書

集部  
御製詩五集卷五

欽定四庫全書

御製詩五集卷五

古今體九十七首

甲辰五

至蘇州策馬入城據鞍得句

庚子南巡正七旬今未有四度芳春維舟策騎仍康健

露冕觀民益切親俾畏何如斯俾愛忘懷那肯便忘仁

黃衣問歲八十六

一老民著黃衣命侍衛賜銀牌問其歲曰八十六

似汝歲方

歸政辰

凝懷堂四疊舊作韻

明璫司織造三處貢龍衣草矣茲供職

明季以內監司織造擅作威福

擾累滋弊不可勝言我朝則江寧蘇州杭州織造雖仍明朝舊制而弗用宦寺惟以內務府司員簡用其職止司稅及供尚衣御用與各項賞賚綴尾之事一切地方事務槩不許與聞也殊乎彼擅機官

衙作行館體憩驗心微五字留別什千年依

德輝

六度南巡之事既藏亦不再擬命駕矣

遊獅子林三疊舊作韻

粉本石渠藏手蹟

倪瓚舊有獅子林圖已入石渠寶笈曾做其筆意重摹一本弄藏吳中

寫雖因手運因心真山古樹有如此勝日芳春可弗尋  
然豈耽哉斯灑灑所堪嘉者彼林林出遊圖便民瞻就  
寧為夾途絲管音

題虎邱雲巖寺

一卷平地起林間遺蹟難尋吳越書劍氣金精久寂寂  
禪枝慧草祇如如休稱應接真無暇可識虛空自有餘  
調御丈夫巍相去聲好去來今合掌相於

靜觀齋

靜觀齋額擢

奎文訓及千秋

聖意殷歌舞叢中其莫繫飢寒念裏要於勤

含暉山館

寺側接山館遊餘小憩便含暉復今日題句憶前年駒  
隙一何速蜂臺本不遷試看無住住大士坐如然

虎邱寺六疊蘇東坡韻

蘇城建平地本自少山嶺一卷矗武邱作鎮俯閭井我

來凡六度六疊蘇韻耿頗愜水與乳詎論鼃和黽故事  
徵率遍金總不離礦茲覽五人墓實足嘉義猛魏璫擅  
煬竈其志無窮騁緹騎為家奴順昌氣頽哽五人攘雄  
臂奪取以俄頃終焉飲屬鏤頸血灑風冷身縱一時亡  
名乃千秋永靜言觀其時國政成何景羣小恣意為捕  
風更捉影天啟真童駭楊漣徒奏請

再題李公麟吳中三賢圖

避禍先幾泛五湖高於丈種信誠乎雖然既識身世累

治產逐時又底須

右范蠡

任達江東號步兵平生出處皎然清而今欲問思尊者  
果否能逃身後名

右張翰

放浪江湖任所之筆床釣具自相隨雖多倡和稱襲美  
吾謂斯人遠勝皮

右陸龜蒙

按卞永譽書畫彙考亦載是卷其三賢詩與鄆王識語款押朱印均與此相符惟永譽載鄆王押下有細書王即徽廟四字又有按徽廟始封端王鄆王名楷非徽廟也本注有誤十九字注皆此卷所無永譽所辨鄆王非徽宗是已然鄆王楷即徽宗第三子永譽亦未詳考至所載王即徽廟四字當是卷中本注之誤其按語小注乃永譽所增今卷中俱不載又按鄆王之印下即接隔水前後鈐縫三印皆不合其為重



裝時截去識語并將鈐印割裂已無疑義因重題是  
卷檢閱及之並識如右

遊支硎山三疊丁丑舊作韻

增山趣固以山泉勝數

上聲

支硎亦有年落瀑響宣梵宗

偈平池照澈鏡光禪拈花提泯全和半食蜜甜同中與  
邊喚起上人擬一問適來七字否乎然

支公菴

山光樹色無今古流水行雲有送迎馬去鶴飛消息絕

巖菴猶紀遁公名

題寒山別墅

宦光當日傳名別墅水秀山清充隱雖非皇甫樂飢殊  
異淵明

綠雲樓

山樹及田麥均堪稱綠雲樹惟供攬結麥實繫耕耘一  
因時所發一因力之勤收用亦自異資食麥娛觀樹分  
登樓騁目間高下殊品云

飛魚峽四疊舊作韻

飛魚長一尺即似翼生然息便潛深水奮能躍上上天聲

人稱有縮地物亦可登仙寄語傳奇者慎哉紀實賢

戲題馳煙驛

馳煙驛本寓幽人隱亦當徵其假真吳下富翁樂山水  
宦光曾此會嘉賓

按朱彝尊明詩綜稱趙宦光字凡夫吳人饒於財卜  
築城西寒山之麓淘洗泥沙俾山骨畢露高下泉流

凡遊於吳者靡不造廬談讌廣為樂方云云宦光託  
名隱逸而梯巖架壑構築精雅甚且倚其貲財廣結  
交遊因以欺世盜名豈可與陶潛司馬承禎之流同  
日語哉

對瀑四疊前韻

於此悟道源石皮泉則髓復笑涉多言水那以水洗  
寒山千尺雪五疊舊作韻

吳中多水少者山山已佳復加有泉是謂合撰乘最上

乘最上者真之源即今我来凡六度無不長言其妙詮  
然而其妙豈易盡永為萬古遊人緣宦光別業固好在  
屏以秀嶂帶以淵嫌淵自淵嶂自嶂聯為一氣瀑落巖  
妙斯盡矣觀宜止欲泯尺宅與寸田長韻五疊東坡效  
笑東坡遊此未然題罷擲筆聽泐壁付他蘿蔓苔侵間

聽雪閣五疊舊作韻

雪花落自天安能至澗底聽雪閣之雪直透不窮耳名  
雪勝實雪似較一籌美所以世間人求名無底止那顧

其實非徒驚其名喜溪閣一靜觀格物致知始然不出  
煩言點筆亦宜已

法螺寺

法螺致幽閒徑路亦寬窳其傍精舍添乃自宏謀造

法螺

寺在寒山向年舊有梵宇壬午年陳宏謀為江蘇巡撫復於其傍增置精舍有今來殊所觀亦頗事點綴鳩工非庶民施檀云大吏之句殊弗以為疑成事不說告此後每頻來頗

堪暢吟眺菴中坐調御拈花亦微笑却匪示別傳似笑

莊嚴閣

遊高義園

名園弗一足高義獨稱薌豈不因行去聲懿寧惟擅景芳

座陪梅馥細隄拂柳絲長春色已如許農工厯悞忙

駐蹕靈巖五疊舊作韻

虎阜華山此據中行齋久慙去聲禹卑宮到來左側花龕

謁旋轉右廂松徑通映座太湖一片碧繞階雜卉幾叢

紅何當望夕斯來憩是日始三月上弦滿月先瞻湧海東

臨湖榭

寢閣西邊更近南  
廓然虛榭構楹三  
到來必此片時坐  
心與太湖一片涵

水天上下澄無盡  
心目空明靜有存  
今古寧須徵故事  
忘懷那更說忘言

宿靈巖寺再疊趙嘏韻

東峰吐玉魄知湧  
自瀛洲光縱寫花夕  
意原抱桂秋迴  
堪呼以問寒不濕而流  
小坐且遲寐吟賡趙倚樓

穹窿山上真觀再疊乙酉韻



道書撰述真不真敬

天瞻拜宜躬親高居絳節吟昔日

謂杜甫

重到玉臺謁此

辰求福豈緣為一已祈年祇以利萬民  
危蹕大小隨量  
吏思艱遂用諮臣鄰

寄題拈花寺

三度拈花都未入

乙酉庚子及今甲辰三過拈花寺皆以欲遊鄧尉未曾入故乙酉有心識

招提得面達庚子有何必其間參到點之句所謂到即不點點即不到正以無住為高耳

寄題乘輦

便相過於僧道豈上下手無住為高可會麼

鄧尉山恭依

皇祖松風水月四疊舊作韻

四字貽

宸藻五言首詠松每教神會別那避句儻重友處香非  
遠映來翠更濃陶家樓上者此景可存霄

右松

李諤薄時態惟稱雲與風看吹香雪白似勝軟塵紅一  
匡戶為隔幾枝春自融錦囊未拈得空說鑿崆峒

李賀  
公

詩有今日鑿

崆峒之句

右風

韻宜滃濛風影定橫斜水詩傳林氏仙賦薄曹家子

洛謂

神賦品固超草木神自通表裏弗言梅概梅敬識

愛梅旨

右水

青邱擬美人謂是特輕月靜對香水溪那管曾來越得

句鄙玉肌引興惟冰骨擲筆尋迴途此後吟應歇

右月

鄧尉香雪海歌五疊舊作韻

婆娑遊興不淺吾歡新未可忘其初庚子西蹟經綴景

云鄰鄧尉言近誣

庚子南巡時前江蘇巡撫楊魁奏進西蹟山程園圖云在鄧尉西北山蹊

窈曲泉石殊勝且南去太湖不百步可供眺覽等語彼時即覺其踴事增華而成事不說若不一至未免孤其誠懇因往返九十餘里中途踰馬比還行館時已過午轉以時刻忽遽未獲細領香雪海之勝隨諭該撫將程園給還原主有園應還故主吾弗更去矣之句是日往返九十里弗輿而馬鞭

袖舒翻嫌忽遽捨此去未曾細領香雪模明諭其園歸

舊主一臨不再行鑿紆茲來乃得畢勝概得門而入原  
熟途化人寺裏瞻相好減從底用七萃趨右側精舍甚  
幽絕適可片刻憩幾餘筆墨精良妙五合一缶恰在供  
吟娛遙看萬雪堆銀湖近領鼻觀叅清殊若遠若近豈  
有別曰色曰香任彼輸昨為文解雲上需

昨歲作雲上  
于天解以上

字應作去聲讀是坎在上而天在下也蓋天為圓體元  
氣運之以行日夜一周而不息知地之在水上則可知  
天之在水下其在水下之時非坎上乾下之需乎知天  
有在水下之時則若地若雷若風火山澤均有在天上  
之時此八卦本然之象包含萬理一以貫之然則  
香雪海之在天上亦大圓鏡中一自然之象矣

包含

萬理何親疏眼見雪海會一貫好奇豈我論  
孤速成長歌命蹕返記予六度來臨吳記予六度來臨吳或擬  
獲麟亦可夫

題沈周山水長卷

老眼六旬翁西山歸棹中

二語緊括沈周自識語

契神別有獨佈

景乃無窮曰畫卑斯畫不工却絕工粗皴成卷尾率逸

本家風

沈周畫以真率擅場是圖結構頗精細而卷尾粗皴數筆作山勢曼衍以終之仍不失本家風

度

上方山楞伽寺

寺據上方山楞伽額久顏登來極頂表遊趣一朝閒誰  
解三乘義難叅八見還太湖萬頃碧祇在俯臨間

石湖八絕句三疊王寵題周臣畫簃頭韻

橋過行春春可憐許公麗句宛如前韶光有脚紅匝地  
湖水無邊碧接天

山半石湖滴不流微風拂處亦瀾浮却嫌前後屋圍護  
未肯飄然下野鷗

幾朶桃花照水開  
那論千瓣與重臺  
閒吟七字相看處  
真是不孤此往迴

石湖號以石湖成  
叅政誠看富貴輕  
幾百年猶鄉姓氏  
江山却亦未孤情

保障由來勝繭絲  
訓官此義不輕移  
夾輿試看黔黎意  
總似懷中女與兒

海潮菴後石崖強  
崖頂佛宮宛若翔  
生面別開周氏畫  
不從倪范問津梁



曾做東邨畫簾歸

周臣號東邨畫簾有王寵題八絕句  
奔存石湖行館乙酉庚子及今甲辰

每至必展閱凡三疊韻向曾做其  
畫意以歸今置圓明園之池上居每當展閱興軒飛在

前真者茲親炙未免遜他具體微

雅宜八首詠烟花書法那論泥與沙

張旭云用筆如印  
泥畫沙貴藏鋒也

王寵書得鍾  
王法故云

窄韻促成以拙速偶來借用紀年華

謁

孔子廟

甫經廟貌拜闕里復此宮牆謁古蘇堯舜心傳直接彼

君師責重並殷吾遷隅文正范蹟可考作記常宗王事

不誣道塞乾坤神宇宙底須南面論區區

末句反王彝記意按明徵

士王彝字常宗嘉定人作蘇州府孔子廟南門記大指以孔子之道使萬世帝王因之而不革廟貌當擬王者舊廟畫於鄰垣徑而之東弗稱南面向明之義自宋范仲淹遷於錢氏南園之巽隅後復屢加展拓至明洪武間始自靈星門極於南城之陰表文廟之道於洗馬池南又謂此一區為孔子南面之地范公所未得為者云云其所稱孔子道在萬世是矣而區區較量門徑以南面為尊崇則猶未免拘墟之見耳

### 過紫陽書院口號

院長應延學行醇德潛竟以假亂真於予改是宣尼語

昔實失之未識人

書院掌教必須學行醇粹方足為多士師表向年沈德潛為紫陽書院山

長雖工於詩文而品行實卑後因為徐述夔作詩序允廷臣議削奪爵謚是以庚子過紫陽書院有知人信難

哉於予改是懼之句

### 遊滄浪亭

滄浪亭是延賓所點綴湖山其水清大法小蘆應視此  
憩於此者合循名

### 題張宏姑蘇名勝四景即用其韻

迤西乍喜見高峯步輦闔門有路通原是屢經吟賞處

展圖妙印靜觀中

右支硯春色

春煙淡沱一鉤新

時暮春上澣

景異當年對詠人

宏詩云桂香冉冉露

華新蓋在八月也

此地此圖契神際寧從歲月論緣因

右虎邱夜月

快寫石湖雨與煙我来登舫梵宮邊

是日於海潮菴登舟故棹入石湖

雖然晴景不相讓也盼為霖潤麥田

張宏畫石湖烟雨有山雨忽來雲樹

暗神龍欲潤柿秧田之句茲舟行晴霽麥苗正當長發若得春膏滋潤益見茂也

右石湖煙雨

繪事通靈罨眼寒  
鏤冰剪玉萬林攢  
行春我每喜時雨  
此景祇宜畫裏看

右靈巖積雪

南方

南方雨苦多恒弗苦  
雨少今歲過江來  
逾旬逢日晶問

稱正二月渥膏霑已早

江浙正二月間該督撫等屢次奏報雨雪霑足茲靈吏來覲詢

以農田情形據奏春膏早渥目下並未缺雨

麥苗實芄芄亞隴青而好設使

再潤根餅餌可期飽解之者於傍慰我意誠巧霽景湊

遊山此語見何小况我縑北省希霈徒久禱

直隸山東河南春雨

未能霑透屢經降旨馳詢該督撫並令虔誠祈禱

邇日雲每作閣雨旋晴了南

猶覺以艱壯甚怒如擣

### 玉蘭堂

在蘇州行宮內

靈巖兩日問山迴曰白辛夷花尚開

紫者為辛夷白者為玉蘭本一種也

以玉蘭接枝於辛夷則開白花否則開紫花然未見以玉蘭接枝於玉蘭者亦其明驗向屢於詠玉蘭詩詳考之有原是辛夷種接植之句

昨自虎邱識為最

虎邱山陰玉蘭一枝本高數丈枝葉茂盛

花開甚繁

茲因玉磬得其陪

文徵明所居有玉蘭堂茲蘇州行宮所植玉蘭於春巡時盛開

因即以  
此名之

文家堂下想荒矣行館階前正苑哉即境無端

一數典恐他壁老笑重儻

寫玉蘭得句

衡翁愛寫玉蘭姿名蹟石渠多貯之偶為傳神揮數朶

勝他真贗致然疑

文徵明所畫玉蘭石渠貯有數本難保必皆真蹟故末句戲及之

夜雨

三月十一日

夜雨打船窓恰值清夢醒入耳適宜聽披衾不覺冷即

南已增潤憶北牽懷永

時北省正望雨之際  
未知此澤遍及否

須臾聲漸

稀無眠以耿耿

### 入浙江境

海塘躬閱此來巡迎送河邊兩省臣疆有其分臨益切  
民無不愛見尤親春雲尚覺籠午日宿雨已看清路塵  
麥欲滋膏蠶欲霽

江浙三月間麥田欲雨蠶桑欲晴  
故有種麥要雨採桑要晴之諺

全艱矣豈能均

雨

三月十日  
二日



夜雨曉漸止午雲復霽零急飄迷緯岸密點打篷舡梅

片連飛白麥苗滋蔚青迎鑾憐萬姓冒濕走無停

是日入浙

江境夾岸迎鑾老幼冒雨奔趨  
益見愛戴之忱出於至誠也

### 駐浙江水營壘庾子舊作韻

庾子駐此心不怡嫌其侈費意蹢躅茲來實為仍舊貫

庚子前巡駐此水營點綴亭臺花木不似江南之從簡  
有將求吾喜喜何曾益覺怵怵增鞠與之句茲來早勅  
地方官不過仍舊有者  
畧為修理無多費矣花則花而木則木駐營咨政有

餘暇偶涉趣成歸舫宿侈費者本意營私後亦庶知刑

以督

前次王亶望任用王燧惟務華侈其意在假公營私以飽慾壑未幾王亶望王燧皆以貪黷伏法實

咎由自取也

然而用彼誰之過至今自咎猶忸怩

### 題煙雨樓疊庚子詩韻

春秋三閔喜重

平聲

來雨意煙情鏡裏開承德奚妨摹畫

貌

庚子年南巡旋蹕攜煙雨樓圖歸於熱河倣為之至辛丑工成情景宛肖有携圖去歲興工始斷手今年

歲事勤之句

嘉興畢竟啟詩材夏中讓彼泛錦芰春季饒茲

對玉梅不擬南巡更臨此鳴榔欲去重

去聲 徘徊

遊煙雨樓與梁國治董誥聯句三疊前韻作

御製庚子圖樓景肖構勅苑吏

庚子年南巡迴蹕時圖寫樓景以歸於避暑山莊做

為之至辛丑年落成數典可忘茲

循名因定第真面豁重謀

會心宛一致南湖窓亞梅

臣梁國治

御製北塞漪臨芟詎惟耐煙雨亦復宜晴霽  
危從有鄒枚

眺覽離塵地

四詠元璚輸

熱河煙雨樓曰雨曰假山曰真樹

御製四詠曰煙樹檇李不逮也

三卷襄陽避活畫含空濛

樓圖凡三卷一貯此樓中一御筆做米芾意寫煙雨

歸

懋勤宸翰一

貯山莊

臣董誥

御製清音滌繁吹響鉢非詩壇奪茵擬講肆優游翰墨林

瀟灑松竹翳樗材珥筆仍梓里觀風伺

臣國治臣誥均以浙

人兩苞

巡蹕

恩賜

鋪茶飭耕蠶

臣梁國治

聯句實為詞臣未有之榮遇

御製塗飾却丹翠敢誇諸政和所願羣生遂海塘深廛念

桑土斯攸暨詢惟富教籌綏以剛柔轡悠哉鏡影

澄

臣董誥

御製勗爾歌聲繼錢莊胥故人

煙雨樓有錢陳羣所書趙孟頫耕織圖詩屏前壬午

乙酉兩次南巡皆與莊有恭聯句

梁董共新事興適便迴舫

瀾清思涉利俯瞰魚遊樂

樓旁有董其昌題魚樂國三字刻石

凭想

禾嘉瑞蓮島隔雲封

熱河煙雨樓為青蓮島舊址臣梁國治

御製鼇磯足山意

嘉興百里無山樓前釣鼇磯有石數卷頗具嶙峋之致

賡韻嗣前

春罷巡自今歲

自辛未至今甲辰六巡江浙適符我皇祖南巡次數適可而止不敢過也

六度迅流陰五字申時義

題庚子寫煙雨樓景卷疊韻

重展前巡卷分明親寫時昔今不隔日煙雨祇饒詩潤

景披銀鑑秘思抽綺絲再三做米意

庚子春南巡在舟中做米意寫煙雨

樓卷几二其一弄嘉禾本處一携貯宮內懋  
勤殿又於山莊復做一卷貯熱河煙雨樓中笑我此耽

之

錢陳羣之孫錢端進其曾祖母所畫四子講德及

陳羣書論合卷閱畢還之俾為其家世珍並題

是什

王褒四子講德論賢母為圖令子書

錢陳羣之母陳書畫四子講德圖陳

羣補書論却憶石渠經秘弄俾還香樹作家儲一之為甚豈

可再其或有因益愴予

石渠向存陳書畫四子講德及陳羣書論乃陳羣所進此卷末

陳羣跋載其母於五年中曾畫此圖者再更為確證因思內府既藏其一不忍復留此卷題什還之俾其子孫世守永作家珍亦為藝林增一段佳話也觸目不堪懷舊處南來老輩半雕

疎

降旨寬免浙江杭嘉湖三府正供十分之三詩以

誌事

入疆民隱切諏咨積欠概將寬免之

昨入江南境即降旨將江寧江蘇安

徽各藩司所屬未完積欠地丁漕項及民借並未逢災籽種等項共銀米一百三十餘萬全行蠲免

謝

天佑

無災則無借項

更常完賦慶農時

雨暘時而歲美每年完賦更無欠項

所當

嘉也其風善寧可靳哉我惠施十以免三正供道

浙省附郭

之仁和錢塘二縣本年應徵地丁正項先經降旨概予豁免外因思杭州嘉興湖州三府蹕途所經復加恩將三府屬本年應徵地丁錢糧共一百九萬餘兩再行普免十分之三計三十餘萬俾近光黎庶益享盈寧之福  
幸茲同樂世雍熙

謁

海神廟瞻禮三疊舊作韻



庚子重米塵晏奠石工一律命堅修

庚子南巡親臨閱視海塘飭該督撫

於老鹽倉一帶舊有柴塘後一律改建魚鱗石塘毋惜工費仍留舊有柴塘為重門保障嗣據該督撫等於辛丑壬寅等年陸續採辦石料派委誠妥大員勘估建築至癸卯年八月內據富勒渾福崧奏將原辦績辦魚鱗石塘共三千九百四十丈督率司道實力稽查於七月二十四日面石均已砌竣通工一律全完該督撫前往詳勘均屬如法砌築整齊堅實可以永慶安瀾矣

勤劬雖曰不遺力護佑仍惟

賴

賜庥

神廟載瞻申九叩

御碑欽仰示千秋敢云塘固民安枕未翁中疊未解愁

駐蹕安瀾園三疊前韻六首

北埤今次永塘尚近洪瀾

海塘沙北漲南埤則塘工畢固今自壬辰春以來沙痕漸

覺北埤至庚子前巡親閱則北岸漲沙盡埤海潮直逼塘根今尚如此實為塵念

春月來觀海

古稀仍據鞍

每於城邑或乘馬便民瞻就也

魚鱗期越固

庚子命於柴塘後為石工

飭該督撫等自老鹽倉一帶添築魚鱗石塘凡三千九百四十丈仍留柴塘為重門保障於癸卯七月全功告

竣矣蠶市較蘇寬

蘇州街市頗窄茲海寧街市較寬

鄉語分疆異民心一

例歡

塔山近海邊踏勘慰心懸竹簍喜增漲

塔山壩工當潮汐頂冲藉竹簍

貯碎石三層擁護壩根昨秋據富勒渾等奏護壩竹簍上中兩層現俱露出今自二月後漲沙增長全掩三層竹簍為之稍慰蟻垤惕漏泉隅園且停憩比户有歌絃自是文

章邑然當戒藻妍

舊家原有述熟路不須尋世業傳來久國恩受已深翰

林茲挂籍書囿勉繩音

海寧陳氏向多為翰林者今乃寥寥庚子臨此陳善慶以家藏

蔡襄茶錄真蹟呈進念為陳氏家傳墨寶因還之并為題句俾得世守勉紹前聲也

重展蔡襄蹟

依然懸古鉞

蔡襄茶錄筆意秀勁有晉唐懸鉞遺法其自記云草木之微處之得地則能盡其材

頗能即小見大故庚子題詩有頌不忘規應  
著眼處之得地盡其材之句即襄自叙意也

安瀾詎祇名永祝晏而清明日觀形勢一宵廛慮情前  
吟巡壁舊

聖藻額檐明載語世臣者承家在敬誠

是園有紫竹不計歲和年畫格應為創吟情詎可捐松  
非自稱直梅亦捨其娟三益於斯盍都因靜以延

一溪春水柔溪閣向曾脩月鏡懸簷角古芸披案頭去  
來三日駐新舊五言留六度南巡止他年夢寐遊

登尖山觀海

尖山迤北弗資塘鐵板沙比石猶固尖山迤西乃賴塘  
閭閻必藉石為護天時地利自古然人事弗和斯致誤  
所謂和亦匪云同盡心籌民保障故我登茲山亦已屢  
不為觀瀾暢神遇漲沙靡定不可恃每因蒿目乏良慮

視塔山誌事三疊舊作韻

兩山尖山塔山接石壩恃竹簾外翼條石未可築潮汐日夜

逼乙酉沙護簾

尖山塔山之間向有壩工正當潮汐頂  
沖條石難施惟藉竹簾貯碎石三層護

根壬午閱視時沙漲掩簔四尺因命該督撫標記尺寸按月奏報至乙酉歲親莅勘驗護簔沙漲較舊誌增至五尺時咸為壩工稱幸然壩漲無定未可恃也庚子壩漸急今幸護以全並無

簔露立

庚子前巡閱視塔山塘工不惟乙酉所見掩簔之漲沙五尺盡壩並三層竹簔已露上一層至

癸卯八月上中兩層俱露今甲辰二月以來漲沙增長上中下竹簔三層復全行掩護北漲期難

望遑此論寸尺乙酉即有言安保無更易

乙酉塔山沙漲增長尺寸

大吏皆謂江海效靈然海沙變易無常豈可深恃是以乙酉視塔山詩即有效靈漫致頌安保無更易之句

籲佑未蒙庥誠弗假子責

每閱海塘必詣祠虔籲神佑今沙漲已漸見增長而

向稱難以施工老鹽倉之活沙兩年間接築魚鱗石塘籌辦江蘇及紹興等處所運石料均能及時應用亦賴

惟有天佑神助益勉誠敬耳

接築魚鱗塘工料籌詳悉茲更有後

議

欲擬將范公堤一帶土塘接至省城者都易以石庶乎可恃費帑非所惜也

欲接築堅石

此次南巡閱視議自搶塘柴工尾斜向西南接至范公塘而於柴塘後添築石塘即留柴塘為重門保障更添建挑水壩兩道以資保護

帑項非所靳然斯亦下策

觀潮四首再疊乙酉韻

鎮海寺傍臨海臺行春觀處正潮來逮今三度詩十二

不擬石塘重

去聲往迴

詠事酉年信筆隨悔愆子歲亦於斯

乙酉觀潮詩有伍胥文種誠司是之

二人前更屬誰之句其後北埧南漲潮勢漸逼石塘因  
悔前詩之見雖高而語似慢故庚子詩反其意云設非  
之二人司是如謂當鑒我漲沙矣仍看北埧更籲誰  
是雄威更合誰

李嵩妙蹟携行笈相證雄觀信弗差詩讀張仁楊基刺

南宋風霜二帝忌行車

石渠寶笈藏李嵩錢塘觀潮圖真蹟有張仁近題云雕欄玉檻

照東海貪看秋潮忌泰離又楊基題云潮水信可定日  
夕來朝宗人心獨不如而不思兩宮兩宮未雪恥屢下  
班師旨云云蓋深譏宋高宗之耽晏安而忘國恥也

一帶石塘工已就

庚子閏海塘命於老鹽倉一帶柴塘後為石塘昨歲癸卯八月據富勒渾

等奏報石塘三千九百四十丈工已全行告竣魚鱗擬築向西仍老鹽倉一帶石塘雖已全



竣而章家菴以西惟藉范公上塘衛護形勢單薄恐不足資捍禦茲與該督等悉心籌勘欲一律堅築石塘使閩郡黔黎永資樂利費帑所不惜也亦惟此日盡人力敢冀他年幾可乘

海沙南北坍漲原無常自己卯以後潮勢近塘沙痕漸覺北坍今已二十餘年循環往復理之自然當有北漲南坍之幾然朕惟盡人事以待之其時幾可乘固不必耳

### 賜扈蹕王大臣及浙省大小吏食

庚子斯上巳清明此甲辰

庚子前巡於三月三日駐蹕安瀾園行宮賜食茲以三月

十五日清明節駐此宴賚需雲宜飲食勝地會臣隣小雨亦為澤

是日

小雨即晴輕烟那論新

清明禁烟傳燭之事後世久不行

遙心綰北省渥霽

可霑春

再題蔡襄茶錄真蹟仍用庚子詩韻

創書皇祐曾進奏正定治平經幾回

二句槩括  
襄自記語

法寶陳

家闕世守屢吟寧為詠詩材

賜浙閩總督富勒渾

武林曾昔撫而巡開府茲教統浙閩祇以迎鑾來隔省  
又看閱歲會今春漫勤供奉水及陸應勉調和軍與民  
識大體毋苛小節思之莫忘誨諄諄

賜浙江巡撫福崧

辛丑番回變畫籌甚有方

辛丑春甘省蘇四十三之變福崧時任臬司隨總督勒爾

謹前往勦賊暫駐狄道勒爾謹怯懦無能幸福崧隨行諸事贊助調度有方以是知其可用旋授甘肅藩司

因之知可用遂命撫茲杭蠹政頗能剔

壬寅秋惟福崧為浙江巡撫到

任後釐剔浙省收漕積弊奏定章程諸事頗能整頓

官歲勉自強掃除斯足矣奢

費戒其王

前庚子南巡時王亶望任用王燧惟務奢費增飾萬嶺瑪瑙寺等處座落所費者鹽商之

資而伊二人尚於其中作威福以牟利彼時即知其必敗未幾果以甘省冒災驚監貪贖營私敗露抵罪浙省

大吏所宜引為前鑒也

賜浙江學政竇光鼎

士習民風首端方繫厥司况茲文盛處所重行去聲修時

熟路輕車試

竇光鼎向年曾任浙江學政士習文風是其熟悉也

迪人克已為前

車應鑒已

竇光鼎前任浙江學政時有訓導章知鄴以竇光鼎不准伊進詩冊欲捏詞叩聞呈內有

西陲用兵久稽成功情願從軍之語其狂誕亦無可道以其欲從軍即發往闡展効力嗣復據該處駐劄大臣安泰查奏章知鄴筆札有討奸邪竇光鼎文捏造悖逆之言託諸竇光鼎之口則其居心奸險實為惡逆之尤因即於闡展地方將章知鄴正法以示懲儆然亦竇光鼎平時不能自立約束屬員所致也

自立尚

勤思

夜雨

三月  
望日

微雨尖山觀海迴  
未牌賜食霽光開  
濃雲入夜欣鋪矣  
時雨達晨正霈哉  
麥綠菜黃胥沃潤  
老扶幼挈普瞻來  
憐他弗惜衣衫濕

十六日早自海寧至杭州夾塗老幼冒雨瞻迎不惜霑濕倍見愛戴之誠

既欣且憐之

親切民情裁者培

老鹽倉一帶魚鱗石塘成命脩

海神廟謝貺并成是什誌慰用壬午觀海塘誌事詩

韻

壬午觀海塘無非求民寧並攜督撫臣

時總督楊廷璋  
巡撫莊有恭

疇咨閱情形憶自庚辰年沙勢已漸更然尚去塘遠未  
致大工興壬午至庚子北坍水鋪平畧無漲沙意日夕  
縈念恒長此其奚窮民生關匪輕戴家橋迤東猶有魚  
鱗屏迤西惟柴塘安足護桑耕庚子我重来

崇祠籲佑靈憑輿歷歷觀既觀慮且行其間老鹽倉下

椿我所經活沙旋吐椿

海塘自戴家橋迤西皆柴塘不  
足資保衛因擬改築石塘司事

者輒稱老鹽倉一帶活沙難於下椿若移內接築又有  
礙田廬壬午親臨試下木椿始苦沙溢用二百餘斤之

砥一築率不及寸許椿下既深又苦沙散不能齧木椿  
搖搖無著是活沙之說信然彼時既未能即築石塘因  
藉坦水石窰為固迨庚子南巡沙  
坍窰露始決計接建魚鱗石塘云  
萬目乏計生申命築

魚鱗切念椿難擎然事在人為未可謝不能

老鹽倉一帶沙活難

以釘椿然事在人為未可遽謝不能庚子南巡復申命  
改建魚鱗塘初開工時仍有已釘復起之患旋有老翁  
指點云用大竹探試俟打定沙窩再下木椿加以夯築  
入土甚易因依法打築又梅花椿以五木攢作一處同  
時齊下方能堅緊不致已釘復起試之果有成效迨後  
跟尋老翁已無踪跡現據富勒渾福崧等奏詢之盛佳  
及在工員弁兵役等皆稱老人指點傳為神助請勅  
修該處潮神廟以答靈貺因俞所請並賦詩以紀  
其月月具圖報心懸如目憑大小吏胥勤民夫盡力爭  
事

老鹽倉一帶石塘竟築并外仍護柴塘內無害溪阮却  
聞夯椿時老翁言信應竹扞試沙窩成效免變驚因下  
梅花椿堅緊無欹傾魚鱗屹如峙潮汐通江瀛功成翁  
不見詎非

神所營贊

天福萬民竟得鉅工成臨塘新

祠宇棖棟煥支撐肅拜致虔謝五言得行程迤西更易

為仍欲殫吾誠

老鹽倉石塘三千九百四十丈鉅工已竣而章家巷迤西僅有范公土塘一道



難資衛護因令該督等悉心籌勘一律改築石塘較之老鹽倉一帶更易施工亦惟殫吾愛民之誠不惜再費數百萬帑金俾闔郡

黔黎永慶安枕耳

### 閱海塘四疊舊作韻

己卯以來潮近塘廿餘年未漲沙良

丁丑歲南巡閱視海塘其時海潮大

溜尚趨中壘自己卯以後漸趨北壘至庚子前巡親臨相度則北岸漲沙盡坍海潮直至塘根矣

雖然

救弊柴易石

先是建議者請易柴塘為石工又有謂老鹽倉一帶為活沙不可下椿而內徙更恐

有妨田廬壬午親視之果然彼時惟命增添料值專修柴塘其舊有條石各工仍令隨宜加墊以備捍衛亦一

時補偏救弊不得已之策耳

尚未獲安海變桑縱看魚鱗一律鞏慙

聽額手萬民慶

庚子親臨閱視以柴塘究不若石塘之鞏固因不惜工費訪該督撫等於老鹽

倉一帶一律改建魚鱗石塘凡三千九百四十丈其舊

有柴塘留為重門保障昨癸卯秋八月據該督撫奏報

石塘工已全竣浙省永慶安瀾今來巡視該處士民惟

忭拜舞出於至誠然予宵旰憂勤有加無已之意尚欲

然未足也范公塘更應籌固

老鹽倉一帶改築石塘業經告竣惟章家菴以西僅藉范公土

塘護衛形勢單薄曾諭富勒渾等悉心籌勘一體改建

石塘以資捍衛衛據富勒渾等奏該處淤沙土性浮鬆即

添築柴塘一遇潮汛頂冲亦不足抵禦等語因思柴塘

自不及石工之堅固事在人為不可惜費即多費帑金

數百萬使閩郡黔黎永慶安枕何樂暇食民艱厘弗遑

如之遂明降諭旨一律堅築石塘矣

命於新建石塘尾柴塘內接築石塘越范公塘直

抵烏龍廟即以范公塘為外護之土塘詩以誌

事

江南范公隄久傳仲淹義浙省范公塘乃自承謨置

范公

土塘乃本朝閩浙總督范承謨所建承謨即仲淹後裔也

一家兩大工先後勤民事

在浙斯言浙石堅土易潰邇年沙壯坍迴瀾噉齧恣范

塘東北尾內巽已有事

昨歲癸卯四月據福崧奏范公塘原築埽工自二月以來因回

溜汕刷致有間段姓蟄現用船沉石以護塘根尚屬穩固等語朕以該處既係潮水頂冲且回溜汕刷即用石沉船亦係暫時防護非一勞永逸之計因傳諭富勒渾福崧通盤熟籌是否應照老鹽倉之例一律添築石塘

詳悉繪圖貼說具奏並諭令於所呈圖內硃筆圈處添築挑水石壩以期挑溜南趨仍俟今歲南巡時親臨閱視指示機宜  
再行定奪  
沉舟下石簣幸保目前計鹽倉石塘建繼

此誠當議柴塘補范公率以允大吏

該督撫等請於新築石塘工止處之

現做埽工柴塘之尾接築柴塘八百餘丈直抵范公塘以為外護即允所請

茲來細斟酌建

石難再遲發帑五百萬分年物料備

茲親臨閱視所建柴塘及范公塘一

帶亦必需一律接建石工方於省城足資永遠鞏固因諭令自新建石塘尾起越范公塘直抵烏龍廟止范公塘盡處一體添築石塘撥給部庫銀五百萬兩予限五年自東而西分段陸續修築並諭先行備辦工料擇日興  
一如章菴東外柴內石暨柴即代坦水  
庚子前巡諭令將章家菴

以東柴塘內普建石工茲來親閱見石塘之前柴塘之後有溝槽一道現存積水並無去路恐致淹滲塘根又石塘上堆積土牛無裨實際諭令將土牛填入積水溝槽之內仍將柴塘後之土順坡斜做並於其上栽種柳樹俾根株蟠結益資鞏固且令外柴內石連為一勢即以柴塘為石塘之坦水且今柴塘亦時見本有坦水也

柴接土塘比

即范公塘

土內石相倚烏龍廟齊至

柴塘石塘中間將土

牛填實種柳互相倚恃聯絡鞏固最為得力茲范公土塘後接築石塘直抵烏龍廟范公塘盡處均令照式修築堅固俾海疆永慶安恬民生益資樂利永矣保杭城千年安晏遂六巡塘

事畢五字始終誌

恭依

皇祖巡幸杭州詩六疊韻

石塘接築俾民安為報工成此歷觀

庚子巡視海塘命於老鹽倉上下接

築魚鱗石塘為永遠安瀾之計其舊有柴塘仍命留為重門保障昨歲癸卯八月內據該督撫奏報魚鱗石塘三千九百四十丈一律工竣今來躬親歷視所砌石工整齊堅實洵可永資保障窮尾溯源暫

紆蹕

尖山在塔山之北自此北至乍浦一帶向無塘堰以其地係鐵板沙不畏潮勢冲齧而西自海寧沿

塘觀海窮尾溯源一切塘工形勢可以一覽而得故自壬午乙酉庚子及今甲辰皆紆蹕登尖山頂觀海觀塘

而返杭州

衢歌巷舞此迎鑾欲尋南宋宮庭泯究是偏都街

道寬

杭州街道較蘇州甚寬知為南宋偏安之都會也

敬仰

奎章六依韻悵然思昔侍

遊歡

韻玉館再疊乙酉詩韻

設使擬君子南方真有強虛心對今素白髮較前長春

即秋何礙

竹以春為秋見僧贊寧筍譜

風和月總涼無須待變夏恒

此韻琳琅

題夏珪西湖柳艇疊前韻

城郭圍東山護西平湖煙水望茫迷如何明鏡忽分兩

為去聲有中間一道隄

又泛湖心綵畫船任其浮拍任洄沿神傳禹玉圖中景

倡和無人驀憶前

壬辰春錢陳羣進是圖即題句仍命和韻書幀中茲已十有三年閱之增

今昔之感云

韻玉館用岑參范公叢竹歌韻

竹稱君子無妨愛早年命種行宮內此地由來與竹宜  
不費栽培易長大十五年閱暑及寒重來軒牖支晴乾  
葉際作響入清聽叢底成陰耐默看如逢故友別多日



有語一時說弗出因之意託岑參詩却慙神寫文同筆  
猗猗灑灑凌雲枝間去聲間平聲旋見曦影移雅吟靜樂未  
可亟無逸一篇我所知

五依

皇祖吳山詩韻

且遲明日駐西湖覽陟吳山歷市衢左右翹瞻老與幼  
可知養給切吾圖

瑞石洞

吳山瑞石洞每米必有詩庚子繹其名云有會意斯

昨庚

子於此題句云曰瑞誰所名想有會意深

然引而未發茲當申其辭虛室能

生白其祥止止禔瑞即祥別名洞則虛也宜是實注蒙  
莊詎稱出齧奇

### 飛來石

無翼而來此止之其翔其翥莫窮疑設如出鼎方其玉  
禦寇良言怵我思

### 紫陽洞題句

瑞石洞或稱紫陽申其義謂注蒙莊

瑞石洞又名紫陽洞適題瑞石洞詩

有虛室能生白其祥止止禔瑞即祥別名洞則虛也又宜蓋以申明庚子詩未發之意實於蒙莊有會心也

云祠以真人立

洞在紫陽山下康熙年間於其下建紫陽書院蓋因朱子得名雍正年間又因

紫陽真人曾居

主敬端知朱義長

朱子之學主敬為宗即莊子之虛室生白

亦豈外是洞之得名紫陽地賴人傳當以朱義為長

### 題梅石碑再疊乙酉韻

昔日孫藍合作碑惜其漫漶筆摹之

舊傳梅石為藍瑛作及乙酉南巡臨

視實孫杖畫梅藍瑛畫石二人合作也惜舊碑漫漶因為重撫訂正題詩泐石仍並存舊碑云雖然德

壽寓興偶亦祇雲煙過眼為梅自無心依石瘦石如有  
意學梅姿無心有意胥置却七字成吟又此時

閱杭州旗兵

已此百年久駐防侵尋風氣漸如杭一齊傳耳誠何益

衆楚咻之義可方

今各省駐防旗兵其清語率皆生澁然音律尚不致大錯設令其漢語則

與本地漢人無異風土所習染亦無可如何然必不可令忘清語也

何事弗塵返舊俗無

思不服緬

前王命皇子射聊示衆老弗躬為慙莫遑

昭慶寺

壬午曾留句喜恒

慈慶昭重來殊景況此意久蕭條橋畔尋門熟牆頭望

塔堯

寶伽塔近此寺疑昔年原屬寺內也

徘徊憩精舍又得片時消

大佛寺題句

須彌弗為大芥子弗為小此語實佛語其徒應俱曉此

何以大稱鑿像山骨竊始自宋思淨

北宋僧名

六百年名表

曰是已涉非謂器斯遠道隱若調御言頃置斯不少

瑪瑙寺疊庚子韻

精藍昔未到庚子始臨云祇惡逢迎巧那嘉構築勤謬


稱商獻悃

葛嶺下舊有瑪瑙寺庚子南巡見其增飾華美深不恆懷墨吏謬以浙商捐修為辭余謂

商民一體故前巡詩有商力彼民力求欣吾不欣之句

可識佛無欣越益吾慚愧

恐防議論紛



御製詩五集卷五